

樊

山

續

集

樊山續集卷二十

恩施樊增

兩槎舫齋集

起癸卯十二月  
訖甲辰十一月

臘月十七日移居藩署

移家重入紫薇廳簷雪初消鵲語靈綿絡池臺花外起

夏許兩方

伯葦治東偏臺  
沼備極幽勝

依稀絲竹樹頭聽耳傾東府年時雨

憶菽軒三兄

眼見南山分外青我欲請鄰并祀竈老坡生日薦椒馨

二十四日日本攻旅順燬俄艦三

驚起驪龍臥榻眠排雲戰艦出仁川瓊裘久飢弦歌地礮火  
橫飛雨雪天鐵鹿沈沙船帶甲金蛇繞屋藥無煙山東豪傑  
今何在野哭千家過小年

癸卯除夕

木筆花開第一枝春風又到歲朝時霸橋垂柳關何事二十  
年中少別離

滿意西湖載雪遊吳山不換嶽蓮秋都將百二關河勝抵兌  
錢王十四州

三接天人玉冕光歸來行殿肅鵷行是夕在行宮朝賀朝衣不費金  
鑪火帶得皇城土亦香

芝采鴨涿互烽煙壁上觀人可自憐昨讀兩宮中立詔  
九州猶是太平年

依倚韓門問起居錦囊酬唱百篇餘呼燈細檢春明稿奇絕  
東坡大字書少保師尺牘及稿草無細書者坡詩所謂醉眼有花書字大也

歲暮宗臣別帝鄉過家上塚奠椒漿老臣自結松楸慕長白  
詣陵黯夕陽以上二首寄少保師

楚鄉煙水未成歸却坐冰廳對紫薇更比蓮賢聞道晚明年  
五十九年非

午夜朝元列炬紅八騶前引謁行宮清吟未了常年例更  
續新詩暖轡中

元日吉甫中丞見過

柏子香清靈舫齋朱旗前引入騶來黃人捧日重陰豁青帝  
敷春萬井開關內羣山朝玉座海東高浪駕蓬萊履端莫下  
憂時淚好進南山作壽杯

新歲二日與家人登臺望南山作

牆東斗起百尺臺其下鑿池藝花樹雲廊霧閣交綺疏前人  
題作望雲處甲辰犬日天氣清春暄百鳥音和平謝家兒女  
並風雅登頓自喜腰肢輕我亦新年少公事老眼獨爲南山

明登臺呼酒意豪宕天風獵獵吹冠纓滿城煙樹娛春日廣  
陌縱橫車擊轂雪後梅心晚晚紅年頭柳意參差綠憑高下  
視南五臺紫白二閣晴雲開塔光已隨白日轉嵐翠直上春  
衫來 皇州北望在何許鯨鼇勢欲翻蓬萊西都花鳥自妍  
好二年淨掃行宮苔鸚鵡屢稱 上皇壽桃花亦是王母栽  
小臣辭闕無幾日歲朝又進南山杯年前鳳詔從天下局外  
觀棋整以暇笙歌勿擾太平人揣測空遮 西幸鴈關內金  
湯百二重 天子命我旬宣乍隱囊紗帽坐看山且可全家  
住圖畫

題戴文節公畫冊卽用自題原韻

誰得河陽筆足當珊瑚架嘉道以後人鮮能師造化仙乎文  
節公自命徐郭亞

公即章曰與江南徐河陽郭同名

進御累百藤每邀宸

翰麗駿氣冠春坊精心媿秋駕同時值書房公其桓文霸

可緩緩作之玉音埃清暇

向聞陳藍洲云公家有御札命公作畫末云可緩緩作

之

君臣猶骨肉吐哺何蘊藉何怪抱琴人效忠寒泉下

粵賦

入杭州公投池死

茲冊寶奇寶誰能荊州借想見雪窗明畫成賓客

詫雙燕入江春數螺出雲罇浴日波始紅訪梅寒不怕迎年  
柳眼舒得暖桃花乍篇終賸以詩人口益膾炙令我憶江南  
欲求蕪菜假畫得公益傳公傳豈待畫焚香澹相對萬事從  
屏謝誰謂道成人不如王惲價夜夜虹貫月英光滿精舍

### 春事

東風冷暖視桃穠芳樹迎暄綠未齊縹色自循茶瓊釉殊臙  
添拌印池泥客來年蟻逡巡滿衙散幽禽自在唬得似晉人  
高致否絲囊塵尾手親攜

午帥電示正月二十四日日日本攻旅順克之電寄一首  
昔借荊州不我還祇今墨守屈於般雄師覆壓孤豚上弱肉  
推移兩虎間小海真成無定水豪酋欲觸不周山俄守將先  
有決不投  
降之捷書電告東京夜美子椒風一破顏

俄踞奉天金銀火藥二庫

厥藥椿錢滿舊京豈期吐吸任長鯨籌邊久已無中策逐北  
何當召外兵冰上有橋驅鐵馬遼西無夢警黃鶯萬牛盡挽  
戎車去三省春田廢不耕

春興一首呈吉帥

福陵東望涕縱橫無恙旌旗在漢京雪物曉蟠龍虎氣鶯花  
春入鼓鼙聲收儲病裏三年艾騰躍胸中數萬兵亦欲觀棋  
從局外奈持邊藩作棋枰

午帥電云好詩方到戰耗不眞蓋旅順未失也再賦  
海上高臺百尺危般攻翟守歎交綏甘泉夜奏無消息橫水  
明光半信疑七日更催荀偃戰兩存無礙少陵詩扶桑已據  
神頭勢且可旁觀國手棋

中立

耽耽兩虎薄庭除畫我遼陽作陣圖爭鹿未知誰得者門龍  
何取我觀乎鼎形早失三分二博局曾微一注孤三十五條  
中立例春王正月出 皇都

日艦攻旅順甚急

兜烽紅煞海東雲萬竈無煙白日曛死蚌今明俱不兩門蛇  
內外各成羣雙棲海燕愁危幕  
俄將夫人生日諸軍稱賀數日人攻其不備受創頗鉅  
紙風鳶出敗軍聞道扶桑詞賦手安排露布寫和文



火器

奇器能無作俑嗟兩軍軀命賤蓬麻槍明競試無煙藥礮利  
爭開落地花可惜傷亡皆上士極知慘礪出兵家祇今鴨綠  
江邊壘戰血紅深一尺沙

營州

營州消息近何如舊國遺黎少奠居燕壘似聞騎劫將俄以科將  
提督阿聊城誰致魯連書鯨鯢各欲封京觀蚌鷸何曾畏老  
漁舉世清明爭上塚 阿陵松柏日凋疏

營州消息近如何黑水西來卷怒波前敵已迴平壤道後軍  
猶阻大淩河民間轉粟牛車盡戰後添兵馬賊多辛苦瀋陽  
諸父老五年一再被干戈

感事和文觀察韻

東封誰置一九泥震動全遼事鼓鼙橫海尙餘楊僕艦我兵艦今  
爲日哭師何限杞梁妻片言存魯無端木萬里思鄉有達奚  
謂阿誰向平陰先二子不鳴多是失晨雞  
提督

湯興

貂豹全寬覺體輕臥聽鼓笛滿層城海棠開泛春猶冷社燕  
飛高雨乍晴橫草何來邊塞氣種花無異老農情甕頭有酒  
姑謀樂更覓何年是太平

曉起坐東園寒甚

珠茸換後曉寒加風色清嚴畫幔斜暝坐心同魚在水閒行  
意異蝶尋花科場舊物憐紅杏故里春陰憶采茶亦欲草堂  
題秀野朱欄粉甃竹籬笆

旦出謁客遇賣竹者買種階下

人生莫牽絲一俗不復雅旦逢賣竹翁令我慚輿馬此君從  
何來母乃生少華根鬚帶土砧筠粉何姚冶酬以三百蚨植  
之虛堂下此間非客土吾亦秦人也離離十數竿瘦玉盡堪  
把或勁若端士或高若隱者或親如故知或怨如新寡初來  
已長成鸞尾欲捐瓦灌以井華清點以山杏赭朝醉夜始醒  
疏疏雨珠灑槎枒肝肺間可要老坡寫明年筍可食籜龍豈  
勝鮮

十一日海棠花下賦

露紅新綻海棠梢佳節何人伴寂寥可但今年今日憶年年  
明日小花朝

俗以十二日  
爲小花朝

雨後種竹都活喜疊前韻

新篁如酒人渴吻希三雅雨則孫爲龍不則兒作馬昨暮月

離畢膚雲起太華夜臥聞跳珠喜如金躍冶農田方待澤三  
禱龍祠下首爲豐年慶此君其次也曉起巡南檐琅玕不勝  
把先蓮爲君子與蘭皆王者遂疏管城封靡怨湘娥寡細已  
勝漁竿大將剗樓瓦其旁筍斜出穿破土花赭明明嵇阮徒  
君侯何瀟灑一再催我詩波箋雨中寫晚飯不用肉清齋屏  
官鮮

### 清明

周家原上夕陽晴聞道青松已長成惆悵官身歸未得故鄉  
一十五清明

### 二月二十五日曉起雨雪雜下

東風吹雨糝銀沙深炷鱸香罷早衙寒食清明剛過了人天  
無處不梨花

三月初二日送需次諸君入課吏館賦呈嚴廉訪及分

教程戟傳太守楊和甫刺史李少愚陳煥階兩大令

大享廿四味定不適人口文章作官樣奉行豈得久課吏各

有程雷同如一手置館盈天下刊章

二字借用

告僚友萬事求其

備日程卯至酉是皆務門面實義了無取士人既入官豈復

陳編守勿問學淺深但當視材否迂生讀書多曲直不能剖

粗才達事情什轉得八九凡事觀其通勿縛束馳驟斯館奉

勅建儲才此其藪秦吏七百人願學者從後嘉辰送君入

宴坐雨中久東西列齋舍南北開戶牖賢人剛四十一一識

誰某升堂致吉語祿薄意良厚上爲國楨榦下爲民父母

憶昨朝京師對敷白玉墀帝曰汝何言稽首陳其詞臣由

百里起一旦躋台司碌碌無短長稍悉民瘡痍九流無不學

唯吏無專師忽焉居民上判決需人爲何怪冤獄繁何怪情  
僞滋大吏視僚屬勿徒舉劾之口講與指畫繫惟師道宜吏  
皆教之學民生其庶幾 帝領之曰俞汝言實不欺吏皆如  
汝賢天下焉不治臣拜手稽首受命復在茲三輔多循良見  
於漢唐時今豈不古若勸懲宜互施城西關珍館蘭芷升庭  
陋讀書取致用所尚非色絲舍經而攻史用夏亦用夷必通  
中西驛而兼文武資政書及律令手口常不離樹木十年成  
樹人百世基以吾一日長敢告津梁疲美玉必受琢良馬必  
受羈勉登循吏傳仰報

皇帝慈

今何以乏才古何以饒士四裔何盛強中華何頽靡大抵百  
年來都無意於此本自亡是非而復任嘖喜才者老蓬蘚不  
才曳青紫不才則忌才取士必如已冗濫最科目官場亦復

爾珠礫何分別榛蘭同一視吏胥抱塵牘可使萬事理自非  
陳腐言不上赫蹏紙志士日摧傷才人有餓死豪傑不世出  
何由得興起南北走胡越甯非鷗獺使吾百里起家忽焉冠  
獬豸宿昔所不平及今聊一洗如明鏡照形隨人爲臧否材  
本材之間相去幾萬里重之則鼎彝輕之則敝屣能令賢達  
奮能令庸庸恥繫我館中人慎勿流俗比不患不我知患其  
不能耳罨師求巨鱗安能舍魴鯉彼美拾香草安能遺蘭芷  
世知有公道請自關中始願言得同心上佐聖天子都邑  
蔚農桑河山還鏡砥引領望神州猗嗟吾老矣

燕坐

燕坐清香凝仄  
戟枝委蛇退食自言遲欲晴又雨天難料少  
樂多憂世豈知覽鏡朱顏生酒後捲簾幽草勝花時園林盡

日啼黃鳥伐木能無故舊思

效香山

堯夫隨地置行窩小徑春陰冑女蘿園柳不波風力軟林花  
結子雨功多飯香自喜脾家健酒美能教骨節和心似虛舟  
無觸忤底憂宦海有驚波

不貪榮進爲時危欲報君恩嘆力衰官以早休爲上策老  
惟獨宿得中醫宦途用拙常勝平巧廣座言公亦及私晚悟  
釋家龍象力感人心處是慈悲

望雲山館用雙聲體

阿翁兀傲晚聞烏午未惟鷗侶晤吾穩臥霧帷溫苑委愛偎  
瓦盎玩文無王維輞外剡彎韋黯菴阿問矮梧萬物安安  
園我屋爲微萑葦望甌吳池中乏水故云



題畫

小桃生葉傍春江猶有餘花映水窗好是泥融沙暖候鴛鴦  
燕子各成雙

星海遠寄佳茗二餅瓷杯二事報以小詩用素瓷傳靜

夜芳氣滿閒軒爲韻

雙寄武昌魚腹中蘊尺素爲念渴相如遙遙茂陵住  
建葉頭網餅成窰五采瓷喜逢秦嶺雪恨少黨家姬  
高樓吹笛夜附鶴有書傳似說羊樓峒春深減稅錢  
淮南亦有言斟酌其淑靜移牀就松風聲香雨可聽  
炳燭治文書餅筵靜清夜毋將咖啡來減我龍團價  
午香發杯面含嫩有餘芳顏色如紅玉依稀說姓梁  
君最愛溫公我嫌頭巾氣奈何強景仁僧寮捨茶器

佳茗似佳人持杯勿引滿飲如吸百川終是工夫淺  
龍井渾拋却西谿畫舸閒越窯濃翠色長憶浙中山  
前年行在雨茗盃話東軒石鼎聯吟地松風夜夜溫

寄遠

修門一別意何如身與秦親覺越疏書札再三問東事夢游  
四五到西湖東坡與人書歲常四五夢到西湖楊花白後成春服豆子紅來  
作念珠爲問絳紗高弟子暖風遲日有詩無

次韻代答

修門別後問何如莫遣長安信息疏藥注欠斟涼暖玉蘭舟  
長負雨晴湖扇羅江左家家畫歌曲樓東字字珠除却當年  
蘇學士紫薇花見此人無

雨中

幾番風雨送春回點點飛紅宛綠苔人欲速成天亦爾清和  
便已入黃梅

初夏

春深夏淺氣清華種豆將成課種瓜一雨一晴熟梅子九天  
九地糝楊花池中菱芡勝鋪錦竹裏軒窗未換紗好與如來  
作生日藏經箋紙寫兜沙

以官署夸示內兄

有唐舊立中書省易代猶爲宣慰衙仙樂自鳴萬年樹謂音聲樹  
風香不斷四時花王侯第宅登詩史署在唐爲中書省其半爲汾陽王府金粉  
樓臺出畫家曾是六龍行幸地微之州宅漫相夸

午帥移節吳中馥庭方伯歸自滇南餞於鶴樓繪圖誌

別電索拙詩寄題一首

新撫欲乘黃鶴去故人已倦碧雞游雲移鶉首雙持節兩公皆常  
快風送龍驤不泊舟來暮歡聲動吳會淩煙副本在江樓誰  
知留滯周南客腸繞蘇州又鄂州

次韻答亦元比部見寄

妙喻天龍一指伸高談大睨復誰倫異同頗費調停手才氣  
眞能籠罩人朝盡爭名市爭利人惟求舊器求新最思老學  
菴中語誤國當時豈一秦

麟有祥徵鳳有威邕中人物益輝輝如公宜在三孤上諸子  
休論十二非天半朱霞生未晚海濱黃鶴見來稀朝廷有意  
庸東里虎也猶當聽指揮

消夏四首

多栽竹樹敵炎氛檻外荷香屋裏聞果實象形成屯字

秦中多屯

果鳥名轉注得雙文謂黃鳥也窗留月作當心鏡簾放香爲出岫

雲夜就黃梔花下宿楚衣三日有餘薰

靴板清朝應接繁楚猴眞自強衣冠欠人書牘將詩代斬我  
林泉借畫看東閣行吟梅子大北窗眠夢水精寒冷泉判事  
須臾了修到坡仙福分難

嫌羅不著況吳綾紕縵蕉衫衫一層豎拂自稱木上座插花  
卽用水中丞靜聽松籟常疑雨冷飲茶漿可代冰案牘如山  
須卜夜未能迴避是青燈

結構閒房似釣艦涼風兩面入窗紗洋餅厭飲荷蘭水京信  
常封茉莉茶老閱西書添腹笥近憂東事損肝家青門乾淨  
眞吾土擬傍東陵學種瓜

叠消夏詩韻

綠槐風動掃塵氛五月鳴蜩尙未聞雲笈蠹穿倭子本

舊藏大藏

音義蟲

蝨過半雨牆蝸篆臘丁文晨餐荷蓋晶瑩露午愛松巔活動

雲不解著棋和飲酒自攜書帙伴鱸蓴

省牒臺移了不繫科頭三沐罷彈冠硃斑舊玉身常佩藍面

新書眼倦看風定茶煙隨意綠雨餘榴火照人寒詩家百寶

流蘇派常恐人間索解難

寄遠常時寫雁綾江雲渭樹隔層層聽泉擬和裴中令畫雪

誰師王右丞夸示東游馳秘電

午帥電誇盧山之游

封題西釀致香冰

葆生寄洋酒十二餅

答書剩飽飢蚊腹辛苦書窗昨夜燈

年前重泛玉河槎紅藕香中障扇紗蔬筍僧慳三竺飯旗槍

天靳六安茶

除官皖浙俱未到

再塵薇省還多事每見桐民似到家

久食露槃消內熱老年無取鎮心瓜

日本早崎教習爲余照象時年五十有九矣

紫薇花下數華年  
草有忘憂鳥信天  
六十平頭老宣慰  
風標猶似十年前

大羅天上詠霓裳  
畫象流傳到下方  
若向三神山上見  
東南日出照扶桑

功名撰述兩蹉跎  
贏得家家畫扇羅  
一片玻璃如潁水  
世間何止百東坡

佳果新冰供玉臺  
六朝人物庾郎才  
紅闥若當崔微喚  
團扇輕衫欲下來

東園晚坐

人間傳舍卽吾廬  
懶學三閭更卜居  
幾度斜陽王謝燕  
一生極樂惠莊魚  
移春欄檻花常滿  
待月池亭樹要疏  
台輔自饒

經國計端居不敢問何如

再疊消夏詩韻

花含宿露竹含氛  
除却風蟬百不聞  
午後槐柯生蟻夢  
早來柳葉有蟲文  
關中古月如今月  
天際晴雲雜雨雲  
小范學琴惟一操  
履霜約略抵南薰

課吏文章簡勝繁  
座中北客對南冠  
長楊賦就從人寫  
扶荔

花多與眾看

課吏館中  
多植花樹

地有醴泉堪避暑  
人言玉宇不勝寒

眼前賓從皆王謝  
欲學桓公駕馭難

倩誰山雪畫青綾  
著我瑤臺最上層  
莖露有情甦渴令  
松風無計警聾丞  
祇愁夢裏金身熱  
翻愛人前冷語冰  
此際愈嫌煙火氣  
暫勞螢尾代書燈

貫月思乘銀漢槎  
扇風微動畫蟬紗  
香能沁骨寒紅藕  
濕恐



傷脾玩綠茶傳會禽言皆樂府參詳象戲亦兵家羣公欲作  
南皮會更待同州七月瓜

三疊韻書感邀同人和

白日全迷紫塞氛遼陽消息眾知聞北兵尙有星羅勢東帝  
先頒露布文松杏山河傳警電鳳凰城闕起愁雲督師破壞  
和平局彼得天爲宰相薰

俄相某主阿督議  
遂肇遠東之禍

郊壘連雲羽檄繁奉天文武白衣冠魏臣祇擬監厨用漢將  
眞宜踞厠看旅順口邊新鬼大

謂馬考  
洛夫

合肥身後舊盟寒固

棋勝敗尋常事局外人詩斧柄難

練兵屢詔寫黃綾誰畫淩煙第一層帶甲空多河朔馬伏蒲  
不少殿中丞諸公辛苦思填海一老憂危說抱冰文武學堂  
根本計一篇綱要有傳燈

萬國交通博望旌外臣爭覲 御屏紗扶傷海內蠲金幣病

暍軍中散藥茶

謂紅十字會

老將能當秦白起

謂科魯伯金

娉婷亦有

魯朱家

美國某夫人親赴戰地救治兩國受傷士卒

島兵不忘中朝處六月重圍

憶

賜瓜

庚子拳董之亂詔榮文忠饋使館瓜果

慈聖兩

同人和消夏詩篇篇佳也四疊韻答謝

言言冰雪洗歌氛宮羽清迺日夜聞每撰詩歌難在夏

昔人謂夏

詩難工惟張文潛三篇爲世傳誦

況親吏事涇於文倒流瓜蔓河中水高挹

蓮花頂上雲晏坐石牀斟細茗等閒銷得蕙風薰

清瑩堂裏厭囂繁延接高流忘著冠鄴下定教車子唱唐宮

宜付婉兒看琴從碧玉泉邊聽詩比明珠社裏寒欲辦雙聲

兼二牘黃華絳樹一時難

歌曲能消幾束綾清風來往閣三層長留天地惟巢父不廢

江河有駱丞感物休鳴春鳥怨外人難語夏蟲冰西窗乞得  
秋前雨好辦茶槍煮瘦燈

敝廬門泊釣魚艇絡緯鳴時促紡紗鄉味未能忘炒豆官壺  
猶得飲真茶卽今庇厦無寒士難得吟詩對會家欲報君  
恩仗羣策東臺擇士敢如瓜

五疊韻感懷

隴秦旱後掃餘氛屢告豐年得報聞遠地葡萄成賄賂近來  
修竹有彈文萬夫罷輓花池雪七郡全收麥隴雲 明詔似  
聞搜廢籍夷吾冠服待三薰

事皆親決自言繁東省依然鐵柱冠鳳咮堂偕列仙坐龍筋  
判與萬人看南冠莫復憂頭責西賊微聞說膽寒  
鳳麟長武  
連得回中  
璣允同時隨葛相府中一體古來難

爽袋才多寫素綾臥樓上下各分層代居此座全勝我信若  
卿言故可丞草檄賓僚飛盾墨求金親友諒壺冰一生心似  
秦時月持作人間暗室鐙

免釐海客任浮槎惆悵臨風側帽紗不敵蒲私神木讎未封  
甘引紫陽茶紛紜鹽鐵無高論摒擋薪蔬愧小家古判度支  
須用士求賢應筮杞包瓜

西堂假山

錦石離離虎豹斑松疏竹短補煙鬟城中那得雲嵐氣脫幘  
西堂看假山

寄葆生觀察

故郡洪都攬轡游似聞碧玉說春愁書生轡軻眞同妾夫婿  
英雄不願侯桃葉兩歌傳白下蕉心一世怨湖州東方茶火

三千騎依舊蕭郎在上頭

寄慰石甫

一絰彈章桂樹秋  
離江煙浪入湘流  
難爲黃祖腹中語  
肯斫朱溫柳下頭  
米賊乘虛橫象郡  
楊枝含笑去龍州  
請看琴志樓頭月  
一顆明珠照十洲

暑夜露坐

譙門風動小單于  
夜靜山屏敞碧虛  
月地看花如霧裏  
暑天食果勝秋初  
幕僚共檢新聞紙  
譯館頻添未見書  
時有妙香解煩熱  
盆池新綻白芙蕖

午窗卽事限燈字韻

小年長日氣如蒸  
北戶風來揭剡藤  
官牘宜師宋文鑑  
兒書添課楚詞燈  
閒庭自種無憂樹  
禪榻人呼有髮僧  
欲買機輪

師造化郇厨多製唧令冰

西饌冰唧令極甘美暑中以機器爲之

再用燈字韻

赤日行空潦霧蒸雪山誰與畫溪藤  
脩然荷芰亭前水癡絕芙蓉帳裏燈  
肌骨清涼思玉女文章修潔傳高僧  
去年追暑皇城裏日進紗幮十擔冰

三用燈字韻

息偃花龕避鬱蒸一杯新酒酌黃藤  
吏支短假三旬料課吏暑假月支祿料如故佛笑長明一盞燈  
畫省再爲紅藥主詩朋獨少白蓮僧  
損功費日知何益辛苦爲文似鑊冰

解雲鳳池雨觀察先後惠川浙佳茗賦謝

不寐方知此味真綠槍花碗伴蕭晨  
水如許淡堪求友茶不勝嬌也醉人  
蜀使書回金雁雨越娥價重碧螺春  
峨帽古雪

西泠水洗盡行都萬斛塵

題女障子

不分瑤臺月下逢微波咫尺見驚鴻  
思量馬上同樓上安放詩中又畫中  
八字眉尖誰奪翠百花心裏可憐紅  
銀河水與蓬山路不隔靈犀一點通

立秋作

西陸蟬吟冷抱枝一旬庚伏好禁持  
梧桐昨雨涼先覺枕簟今年暑不知  
一夏不熱療疾罍餅丹藥盡有情鏡鑷白頭遲  
城南沙草平如掌又近秋冬射獵時

立秋夜大風

夜聽秋風第一聲掩替危坐倚長檠  
霜臺啞啞羣鳥沸沙磧蕭蕭萬馬行  
天黑似聞東海立牡飛難定北門驚  
軒皇亦有

吹塵夢誰遣蚩尤息五兵

新涼

景物雖殘節候佳未秋前已減茶瓜清風扇枕先搖竹小雨  
催詩併及花瘡痂盡隨殘暑退眠餐新爲晚涼加不緣早暮  
聞衙鼓何異柴桑處士家

賀和甫同年抱孫

兒與蓮花同日生太邱懷抱見公卿子魚將子成三印雛鳳  
生雛豈半英投鐻蕭公從髮白試啼溫嶠識聲清楊家修竹  
青如玉纔試孫枝第一莖

秋熱用新涼韻

新秋旣雨覺晴佳解暑猶煩七月瓜蕉綠足供詩社紙蓮紅  
長獻佛餅花掃苜實望來三益止酒虛教浸五加若與竹垞



互爭長金風亭子屬誰家

三疊前韻索同人和

詩境通禪語語佳亦如蘸雪喫冬瓜絳潭叢帖兼眞草白定  
圓歐起暗花者養生茶最損率眞待客豆無加吟朋各抱  
謙謙意更向誰邊問作家

用大作家  
在那邊語

四疊韻遣閒

齋閣通涼舉體佳音廬非草亦非瓜因防午渴儲山果欲解  
朝醒漱井花眉黛昨將秋柳畫黃袍天與蜀葵加倖金半爲  
收藏罄書畫時時一舊家

卽事五疊韻

扇葉臨風致自佳垂垂香墜水晶瓜簞紋蹙浪清無汗密密  
斑筠玳瑁花鴨脚黃床分雨向雞冠紅淺已三加遮門荷葉

平階水長憶東溪阿那家

六疊韻憶東溪草堂

東溪風景到秋佳  
籬有牽牛架有瓜  
米酒自蒸油碧糯  
魚籃兼賣水紅花  
身堪黃嬾燈邊老  
足任青奴腹上加  
惆悵官身歸未得  
白鷗傳語望還家

前韻花字太寬加字乏味七疊韻簡課吏館諸君子

三旬道暑意清佳

館中放暑假一月

又薦新秋乞巧瓜  
詩入涇腸聲

近木牘留押脚字  
成花營田潦後租  
求減吏道循時秩  
有加經濟詞章須切用  
求名莫近腐儒家

園居八疊韻

礪石疏泉境漸佳  
東亭西庫儼分瓜

香山有琴亭酒庫

松脂化液根

成珀榴腹含珠鬚  
帶花食客雖多無  
可減臧書既富又何加

時人若訪乘蓮客此是清都太乙家

觀物一首九疊韻

便是卿言亦復佳梁亭瓜卽楚亭瓜要知吾意何分別唐苑  
花仍漢苑花吏部雙金從客攫尙書半臂爲誰加老來閱世  
皆平等莫笑儒家遁佛家

秋熱詩爲韻所限不盡著題也別賦一篇

眞有秋風再熱時勞團扇復何辭薦瓜爲解雙星渴流火  
堪徵七月詩玉塞霜難新雁帶瑤臺雪豈晚蟬知盧家雙燕  
憎殘暑怪底金堂送客遲

古人詩多渾寫大意故東坡云作詩必此詩定知非詩  
人自同光間館閣諸公作試帖始用嵌字之法而詩  
格乃益難益密推而至於詠物莫不以細切爲工昨

以秋熱命題看似平平然須從秋字寫出熱字方與  
夏詩有別再賦帖體一篇索同社諸君和博奕猶賢  
牝金虛擲殊自笑也七月初三日夜

今年朱玉減秋悲荷淨松涼屢入詩剛與春寒爲反對轉疑  
夏令有推移已乾初日芙蓉淚更展薰風茉莉期瘦蝶尙隨  
班女扇牽牛還睨貴妃池花晞露粉蓮房燠林待霜紅橘市  
遲微雨天章仍和柳傾陽人意不如葵咨嗟地氣南而北驚  
怪炎官盛不衰殘暑祇如絲一綯青蟲能絡幾多時

碧岑病中兩和新涼之作十疊前韻奉寄

詩如草茗未能佳那分瓊琚屢報瓜靜坐有香生釜粥清朝  
飛雨濕簷花秋涼漸喜衣篝暖病減休催藥力加短假不關  
蓴菜事好教苓朮健脾家

十一疊韻咏秋熱

今年秋夢問誰佳，肺欲生塵祭以瓜。  
未有涼風吹桂樹，豈其生日閨荷花。  
調冰入酪餐宜少，秋後忌食冰待雨催詩點不加。  
何限葵心盡西向，夕陽黃煞四孃家。

雨後驟涼十二疊韻

拂曉晴簷鵲語佳，昨宵銀漢渡匏瓜。  
千山過雨千般翠，百草逢秋百種花。  
肺熱香教黃熟減，肌涼衣倩紫縣加。  
茂陵不少秋風客，爭索長裘向白家。

十三疊韻和戟傳新秋感懷

關內蒼然秋色佳，素瓷新薦海棠瓜。  
簫爲秦女流連物，蘭是湘人佩帶花。  
君有鳳毛當世美，余慚馬齒逐年加。  
龍筋鳳髓成何事，雅近虞初小說家。

早秋寫懷七疊消夏韻

梧竹交枝掃夜氛蟲娘院落屏聲聞回文集裏悽蘭錦乞巧  
樓中誦柳文徙倚玉階生白露徘徊河漢澹微雲分拋鴛被  
無多日重遣名香百和薰

新秋庭榭草花繁妝束葵學女冠撲蝶扇留殘暑在牽牛  
花趁早涼看日中食麴猶顏汗月下停琴覺指寒不願人間  
爲宰相秋霜欲上髻絲難

中單早晚怯吳綾心字羅衣著兩層初月巧偷京兆嫵眾星  
爭放絳河燈新炊香稻憐匙滑欲嚼甘瓜怕齒冰金橘石榴  
齋著子好將秋實擬家丞

秋齋結構肖雙艦漸怯涼颺入牖紗浮蟻舊醅濃似珀來禽

新葉美於茶

吾鄉以林檎葉代茶

兼并甫白成詩國表裏程朱問笛家

昨夜畫屏清不寐碧雲天際望匏瓜

前詩燈丞兩韻倒置別賦一首

秋雲隴首白於綾渭樹青蒼隔幾層  
水月明招隱士褒城  
酒惡有連丞連昌夜雨無多柳玉井  
流泉徹骨冰終是華清  
溫暖地最思晚俗照華燈

示及門諸子

名場亦有信天翁與世推移道不窮  
未敢薄今仍愛古不遑  
救過肯居功新奇論說中年悔貴壽  
文章後路豐打點儒林  
根抵事狂華客慧一時空

卜居

離騷經裏卜居難商略儒宮一畝寬  
萊婦尙能偕我隱詞人  
不合老於官衣糧粗足皆君賜  
松柏相將保歲寒兒女嬌

癡婚嫁晚名山移入畫圖看

秋夜寄懷花間

憶乘驄馬玉京游送別江亭歲一周仙掌露華今夜白御河  
柳色隔年秋些些香物荷囊貯疊疊詩箋鏡屨收花葉親書  
誰寄與一行新雁過妝樓

秋鶯

秋燕剛如客欲行何來百轉建章鶯深秋露下濡金樓乍似  
月中聞玉笙灞上柳條疏欲斷遼西瓜戍夢猶驚荷花桂子  
香如海更試遷喬第一聲

御園曾許紫桃含烏鵲橋邊路亦諳坐柳我思當日緒按歌  
汝是舊人戡橫河佳語逢初七幽谷前游話再三待得霜林  
紅似酒爲卿雙擎洞庭柑



名隸風人睨皖篇春花秋月致纏綿養雛已儷秦臺鳳求友  
羞偕望帝鵲晚爲騷壇頌鼓吹久棲喬木老風煙羽毛自惜  
金衣美醺得金莖露更鮮

城東煙草軟於羅留得珠喉一串歌簧涇重翻楊柳曲金寒  
仍擲海棠梭雙文別後教珍重子野尊前喚奈何老去詩人  
憐汝在中庭秋思爲誰多

七月十八日雨中招同懋臣移香友松海雲載傳敬之  
和甫雲生諸君集兩舸齋卽席有作

冠冕三秦此數公花前莫放綠尊空棋枰冷淡秋窗雨巾角  
頽唐老輩風灑掃閒軒鷗虎外屏除世事蛤蜊中畫屏紅燭  
無多淚消息何勞問海東

觀棋戲用前韻

老將誰當黑稍公有人劍術賽空空蜀軍死戰出降日金使  
微言有勁風坐閱袁曹官渡口最思頗牧禁林中欲教車馬  
馳驅便安得青齊畝盡東

勝敗無勞溷乃公老坡欣喜善觀空河山東帝侵西帝歌曲  
南風競北風兵柄釋於杯酒後豹斑全在管窺中如今惟覺  
芝山樂縱有江船不欲東

博局分明肖井公箕張翼展掃成空衰朝氣象唐甘露開國  
規模漢大風鍊石早爲天補漏麾戈重見日當中朔南天遣  
長江限莫學今人驚遠東

誰將上計走檀公餘子纍纍目已空折屐似聞淝水捷褻裘  
殊有太原風擣虛潛躡龍庭後得子深探虎穴中何限英雄  
浪淘盡爲持鐵板唱江東

夢山齋集卷二十一  
同人見和秋鶯詩再賦四首

東風已帶百花行七月猶聞漢苑鶯秋色漸歸金縷柳曉寒  
重理玉靴笙桂枝濕露從卿借棠睡非春也自鶯贏得早秋  
數相叫前溪白鷺是同聲

懷辛橘葉一分含露媚煙惺味已諳隴上收完鸚母粒盧家

膳出燕兒龕

龕與  
戲通

舊巢芳樹曲江曲好景明年三月三一自

櫻桃紅上口坐看青李到黃柑

昨宵新賦感秋篇起看金衣氣力絲覲面生疏來隴雁非時  
鳴喚訝橋鵲池荷粉退風吹水陌柳金凋雨似煙別有鵬鷹  
新世界霜天高舉羽毛鮮

一生不受北山羅哺子成羣自教歌有志搏成寒谷黍

鶯一  
名搏

黍無心乞得巧樓梭渭城一唱行歸矣喬木重遷奈老何霜

露雖寒吾舌在建章門戶好音多

秋夜

香鴨無煙夜卷衣流蘇宛轉傍人垂燈前靜聽風吹雨自疊  
羅衾自掩扉

酬雲生

君來自華清疲馬犯寒雨睠言過東省坐我胡床語始商糴  
新麥繼請繕倉庾稍稍談風月瑣瑣話雀鼠爲約詰朝見官  
廚具雞黍人言橘中樂我忝花下主今歲秋霖多高齋蕪香  
母座客八九佳詩家一二數隔竹送棋響解弢出畫譜得閒  
謀一醉聊洗襟上土嘉魚東路來冷餅南窗煮武火燂花酥  
嫩湯點茶乳長筵羅八珍不效郭功父同乘皆弟兄和歌相  
爾汝酒闌起送客三打寒鼉鼓君行意有餘餘意以詩補三

日兩寄箋短章勁於弩燒燭和君詩南簷月華吐

或見余照象以爲四十許人戲賦

才可容顏四十餘吳霜曾未染頭鬚昔聞耳順稱娘子持較  
樊南恐不如

不餌金筒竹葉丹紫薇省裏望如仙雁來時候紅於錦信有  
花叢老少年

賦得同心蘭酬葆衡見寄

梔子同心未可羣西陵松柏此情真馬姬畫以雙鉤勝燕姑  
香從複帳聞屈宋合爲天下美娥英俱是意中人兩條羅帶  
瀟湘水揉作藍雲翦不分

花花相對葉相當蕙草中庭詎可忘秋水鑒形并四美春山  
無意賞孤芳金絲幾平聲斷舍人柳綺夢雙溫妃子棠欲把花

身作舟楫兩舳相倚學鴛鴦

白華詩裏報瑤瓊鵲管參差合兩笙偕隱君山非獨秀小名  
王母賜雙成英翹姊妹羞先嫁王謝家兒有孿生絡繹名香  
供御服人間蕭艾一時輕

湘波如鏡照雙鸞掩映芝英與竹斑君子有言書縞帶美人  
無計解連環芳心蘸露舒啼眼香氣蒸雲結妙鬢省識離騷  
憂國意嬋娟多貢玉堂間

再咏同心蘭示葆衡

一簾花氣卷湘波不獨香名說四和楚澤庚寅同覽揆山陰  
癸丑敘臨河解來舉佩真吾偶譜入騷經獨汝多花肖釵鈎  
雕比玉葉如裙帶翦雙羅

春風燕睇鬱金堂振盪余情說信芳松是三公偕入夢竹兼

兩個始稱王有情處處生芳草服媚人人愛國香紉佩試垂  
連理帶爲膏還照合歡牀

猗猗風露楚人家笙聲同音詠白華易傳分明金作妃謝庭  
彼此玉無瑕橘堪合傳稱皇樹菊不同時亦女花一寸香心  
千尺水餘波羞澣芒蘿紗

一雙翡翠戲陵苕豔體連珠演六朝自覺苦甘兼菊蕊莫持  
丹素較梨桃楚庭檮杌褒忠愛禮浦鴛鴦賽羽毛留得後身  
蘇薰錦月圓花好付秦涪

### 三詠同心蘭

柔桑連理竹連筠別有幽芳楚澤濱王者對含龍麝氣美人  
雙鬢翠蛾顰萱松並列姬姜隊蘅芷無非肺腑親邂逅明堂  
圖職貢有誰能寫鰈鵲真

因果羞從粉絮論  
蘭池宮裏此花尊  
騷人紉就成雙佩  
香友生當不二門  
葵藿傾陽無向背  
芭蕉捲雨互溫存  
金荃纔識靈修意  
若遇桃花定不言

湘北閩南異暖寒  
釵花劍葉總平安  
抱冰意可千秋白  
捧日天憐一點丹  
並蒂有情呼姊妹  
握椒傾意付郎官  
娟娟靜女生幽谷  
莫作唐宮秦號看

並照清波俊不禁  
黃鸝綺石養春陰  
腸回柳絮枝頭少  
情比桃花水色深  
畫汝雙身螺子黛  
感人一操鳳皇琴  
東風種出雙紅豆  
始識他心卽我心

四詠同心蘭

楚國非無無價寶  
花叢亦有有心人  
瀟湘並照三生影  
天地重回數點春  
顛倒每嗤蓮有意  
甘甜都似杏生仁  
詩人服御



需香澤二女徘徊在漢濱

光風汎采轉崇阿一種名香豔綺羅三日茵馮殊未歇雙煙  
芸荔總相和臭貽叔寶曾何有經念觀音不在多共此白華  
芳潔意陔南芳草又成科

丹跼縹葉競芳時澤畔行吟意可知沅澧皆爲股肱郡琴笙  
合奏性情詩荃蓀敢不尊香祖桃李焉能背本師起自三閭  
終賈傳更誰能反楚人詞

合并畹晦扇和風玉樹前頭喜氣融花有連枝方北竇香無  
一瓣不南豐雙丁並立瑤階上兩已交暉黼帳中借問丹心  
誰得似黃人夾日御樓東

次碧岑中秋對月韻

青冥風露不知寒猶是秦時玉一團相伴姮娥關內住今宵

一十七回看

余甲申九月入關迄今二十一年惟五中秋不在秦耳庚子閏八月故曰十七回

甲辰中秋夜內子偕諸女弟及兒女孫曾輩平臺望月

### 是夕月明如晝

月自秦時圓到今碧天如水鏡當心姊從西母求丹藥我愛  
南山鍍紫金綠鬢惹煙花氣重羅衣濕露酒痕深一門四世  
長驩樂驗取檀欒桂樹陰

八月既望微雨尋霽入夜月出憶去年今夕在京寓與  
竹延夫婦繡漪姊妹同看月食待至復圓始寢今一  
年矣怛然賦此寄竹延汴梁繡漪京師

秋宵燈火暖於春秋空月色淡於銀昨夜月勝平今夜月今  
年人憶去年人去年人說 皇城餅青天半蝕山河影寶氏  
夫妻繹錦文鮑家兄妹溫香茗庭前琪樹映瑤花屋裏瓊枝

隱絳紗對擊鼓鐘援玉兔雙持弧矢射金臺廣寒半掩黃金  
卮太清剩被浮雲滓焚香禮拜玉觀音刻燭歡聯詩弟子履  
舄徘徊夜嚮晨圓儀重寫素娥真披紗全露啼妝面對鏡還  
思痛定身謝家兒女忺人意如月如花侍清閨祇覺當頭珠  
璧暉那知舉目山河異今年月比去年佳月地行吟憶謝家  
叢桂天香還繞棟羣山紫磨正當衙玉階徙倚禁風露三分  
明月分三處金水河邊渺渺秋鳳皇城裏遲遲曙天上銀河  
裳可塞地中碧海石能填但願人如無恨月與君千里共嬋  
娟

夜坐

隔窗明月可中庭盆桂無花意尙馨寒燠不時秋易嗽公私  
多故夜常醒蟲鳴暗壁拋書坐雁過高齋倚燭聽何物能回

搖落感笛中吹得柳條青

是夕聞笛

賦得可憐九月初三夜得憐字

月到初三絕可憐玉弓斜挂影娟娟  
依然露似珍珠夜又是雲橫玳瑁天  
遠信威遲霜雁後瘦人徙倚菊花前  
重陽近也無風雨撿點莢囊憶去年

已涼

已涼天氣畫簾陰撿得秋詞背地吟  
夾帔裝絳香絮軟紗窗換紙茜紅深  
樹留喜鵲朝朝語雨滴燈花夜夜心  
至竟薰鑪恩不斷爲儂重暖玉鵝衾

九日登臺

登臺潦霧隱南山東望神州一黯然  
四戰衝非秦國地百年秋是楚人天  
霜清灞岸收魚罟木落商州到蟹船  
賴有杯盤

相料理不辭茗芋菊花前

九日陰暄入夜雨甚呈同席諸公

秋陰壓屋沸棲鴉銀燭無煙帽影斜昨見南山松上雪今看  
東府雨中花百年多故身猶健四海知名髯未華手把茱萸  
思曩會師門應是念侯芭

憶去年天  
甯寺之游

卽席再呈懋翁

鎖聽聯句虎兒年重對饒盤試彩翰餐菊一如前日事種柑  
還待十年看樓臺上下知筋力燈火親疏驗暖寒九日藍田  
尋故事倩誰端整少陵冠

送和甫之咸陽任

咸京五十里猶賒匹馬西行對晚霞鬼膽破來驚李果神鋒  
輟去贈張華政成漢殿捐金賜詩就旗亭換口誇四十賢人

同適館齊舉修竹憶楊家

送戟傳監稅商州

一出衡山游二京  
鄴侯書笈又東行  
商顏依舊芝房紫  
蕭寺回頭芋火青  
美政鸞庭芳樹在  
新恩牛墾稅錢輕  
繩床倚壁張安道  
說似欒城不忍聽

送敬之權釐白河

早開東閣待朱雲  
臂指相依那忍分  
若到台司全勝我  
恨無官職可酬君  
小蘇黽與西江稅  
髯鄰入聲終參北府軍  
每見芙蓉思庾杲  
秋池獨立倚斜曛

子搢入幕喜贈

成瑨一官岑厓替  
夷吾兩目陽朋爲  
道南大宅還推汝  
江左清歌恰願誰  
倚馬成文行遠近  
同車適野計安危  
葛龍龐鳳

生何處南郡多才更不疑

冥坐

簷風牖日任相侵冥坐猶爲抱膝吟紅樹鮮明晚秋色黃花  
淡靜老年心無情書牘拚投甕有數人才合範金裘褐與人  
同暖熱莫驚霜露氣蕭森

喜晴

睡眸猶怯小窗明已斷莓階積雨聲簷鵲好音催早起籬花  
喜氣入秋晴一時潮水分消長對面南山半熟生五色日邊  
誰作賦倚天仙掌露華清

寄亦元

未必中華盡醉眠鳴皋一鶴聞於天可能無意求晨夜獨恨  
相逢是晚年膽氣堅剛非酒力史才明覈著詩篇千秋萬世

無窮事鼇軸何人共轉旋

冬夜

良夜惟於燈火親南牙佳客少過存水邊邀月成三影霜後  
看花尙百盆齒軟橘梨怯酸冷肺寒薑附助辛溫興來欲和  
淵明句矮紙欹斜凍墨痕

十月初十日引通濟渠水入行宮池五首

豐京從古水朝東十月流漸暖易融剛是慈甯天慶節  
玉波新滿鳳池中

花水溶溶入苑牆倚欄雲影蕩天光九龍呵護蓮層玉不落  
華清第二湯

二聖徘徊行在日臣冠獬豸侍宮簾如今池苑皆依舊惟有  
恩波歲歲添



夢山集卷二十一  
手  
荷鋤揮汗已經年纔見芳池一勺泉人世定無速成事學堂  
休倚後生賢

活水源頭要識真藻香波翠躍修鱗西京亦有滄浪叟笑指  
金魚是故人

閱新聞紙

福陵松柏龍形古斫作樵蘇孰見憐悔不早教蟲蝕盡却供  
萬竈起炊煙

蜿蜒藻蘊遍紅牆盡取犧牲佐裏糧徒有郎官守 原廟幾  
曾落日見牛羊

涼之求歸甚切賦詩留之

後先捧檄下蓬萊莽莽風塵眼倦開一自漢南感衰柳十年  
江外負寒梅宦情蕭索思投版吾意沈吟獨愛才見說海墘

風浪惡柴桑未可賦歸來

涑之爲余強留喜而有作

難得獲牙並世生五湖暫莫與鷗盟西征叱馭非無意東閣  
留人似不情出處大都思已熟利名久與世無爭君看典午  
圍棋手強爲蒼生住冶城

題家書後示庶並寄照象

挈榼龍門羨汝登掌箋桓府遜吾能一張畫象秋風鬢數紙  
家書雨夜燈幕職汝勝酸棗尉蘇邁尉勞生吾亦苦瓜僧鯉  
魚爲寄平安字撞破黃河十月冰

聞葆衡納姬詩以調之

雲屏新得謝芳姿早晚僧彌好護持臉際芙蓉勝庾幕懷中  
茱萸受毛詩讀書莫復過丁夜出府安能待酉時愛月惜花

成反對近聞眠早起常遲

再調葆衡

玉梅花發小窗陰  
婉嬾楊枝伴醉吟  
紅燭影中添半臂  
幽蘭詩裏證同心  
文書收掌煎茶手  
釵釧消磨潤筆金  
料得有情憐大婦  
藥煙如水夜寒深

藍洲寄示湖上諸作不禁神往

何意輕拋十錦城  
皇恩許住只虛名  
自憐畫省鳴騶出  
不及蘇隄軟轎行  
僧壁數行詩卽畫  
湖光百變雨兼晴  
梅花自是孤山種  
可得郵傳到漢京

和藍老游孤山用湯貞愍韻

步履乘春出近郊  
逋仙曾此結衡茅  
公鑽燧烹黃蘗  
宋嫂羹魚去赤梢  
葛嶺東西烏榜聚  
蘇隄裏外綠陰交  
全湖莫化

昌黎酒買得青春恰又拋

韓詩十千買取拋青春

### 憶西湖

廿年不打理安鐘倘有江船吾欲東  
歷劫未銷金粉氣四時不斷綺羅風  
月珠松翠能留客桂子荷花莫啟戎  
萬古妍華還此地吳興慚愧水精宮

前詩以金粉綺羅寫西湖唐突西子矣別賦十二章寄  
藍老

西子剛宜淺淡妝山眉水眼費端詳  
但看周昉屏風畫豈識名山有道場

妙手伊誰爲寫生香山以後又端明  
明湖恰與明妃似意態由來畫不成

水有畫船難到處山當繡幃未來時  
白沙翠竹人煙少獨自

拖藤意可知

曙色僧窗猶未分漁僮踏浪綠沄沄漫天水氣欲爲雨一半

樓臺隱白雲

三十年前諸遲菊所說如此

竹香如霧不論竿三五禪人涉翠寒虎跑清泉龍井葉斬新

槐火煮來難

余性嗜井茶自越入關香味頗減

朝游三竺暮還城風景何人識晚晴無數綵船歸去後婆官

吹笛兩三聲

山寺歸來月挂松水煙四合綠濛濛西湖別有閒亭榭不在

屏山十景中

不識漁舟一葉輕紫髯燒燭坐調笙菰蒲深處蓬籠雨朝貴

耳邊無此聲

不意城外卽孤山雪後傾都犯曉寒此事林逋殊不料梅花

種與俗人看

南屏僧飯小淹留，蔬笋酸寒夏亦秋。二十年前湖上事，每隨

夜雨上心頭。

癸未四月同鶴士子珍湖樓聽雨如昨日事

投簪擬謁辨才師，鉢帽隨緣住淨慈。掃地打鐘俱不會，飽餐

山淥坐填詞。

聚似疏星散似煙，湖山回首意茫然。欲窮水曲松深趣，且可

雲棲住十年。

生日示客

蓮子知非又十年，倚樓看鏡未華顛。客談星命憐金水，

余命宮金

水獨多

身在儒林愧老先。歲歲春風生玉麈，家家冬日暖黃綵。

行香已了無公事，自傍南窗曬水仙。

答友松見祝用來韻

三接龍光三入秦  
匏瓜長繫老來身  
學因年進多更事  
奢與廉兼亦未貧  
早退故應稱上計  
易衰休更笑南人  
詩筒拆向梅花下  
小鵲枝南已報春

戲題東園假山用雙聲體

趣盤嶢岑蹲瘦獅  
字劖三四翠參差  
麤材慙厠曹參座  
造次曾催楚些詞  
澤草錯鋤攪翠菜  
櫻叢層簇襯蒼髭  
裁辭皺瘦思生澀  
崔蔡從茲贊色絲

十一月初四日與碧岑過課吏館清言竟日因贈

同臨僊館挈茶瓶  
廊廡深嚴網戶扃  
時世新裝無古錦  
歲寒老木有冬青  
巡行漢沔纔今日  
君新擢陝安道貢舉咸同幾  
曙星君豐裁貢余同治舉人  
丙子歲會於京邸  
二十九年交誼在一時  
衣繡集秦庭

課吏館晚歸卽事

蒼然瞑色度高城寂厯街西遠市聲池暖不冰羣鴨喜樹寒  
無葉萬鴉爭馬驕泥路須防蹶人瘦肩輿未覺輕三載秦臺  
繡衣使依然鄉塾老諸生